





第九二七册

四庫全書

●上海古籍出版社

本冊目次

古今事文類聚(三)
續集
別集

宋祝穆撰……一

卷六十一

欽定四庫全書

子部
古今事文類聚續集卷一

詳校官中書臣孫衡
侍讀臣孫球覆勘

總校官編修臣王燕緒
校對官中書臣潘奕雋

謄錄監生臣徐莊



欽定四庫全書

古今事文類聚續集卷一

宋 祝穆 撰

國朝

都鄙官匠人營國方九里旁三門國中九經九緯經涂九軌左祖右社面朝後市官制國不過千乘都城不過百雉坊凡邑有宗廟先君之主曰都無曰邑左京師者天子之居也京大也師衆也公羊傳天子畿方千里曰甸服甸服之內曰京師世記天子所宮曰都世記崑崙東南方五千里謂之神州中有和美鄉方三千里五岳之城帝王之宅聖人所生也王嬰古今通論崑崙東南有赤縣之州風雨有時寒暑有節句非此土南則多暑北則多寒東則

欽定四庫全書

古今事文類聚續集

多陰故聖人不處焉張衡天子以四海為家故所居曰

行在所漢書

詩曰壯哉帝王居佳麗殊百城曹植江南佳麗地金陵帝

王州謝朓地即帝王宅山為龍虎盤李白山河壯帝居

陳後主長安開繡陌陳

古今事實

歷代所部

伏羲都陳神農亦都陳陳今又營曲阜今充黃帝都涿

欽定四庫全書

鹿今幽州或云有熊今鄭少昊都窮桑在魯顓頊都高陽

在周為衛地帝嚳都亳一曰都高辛今偃堯始封於唐

今濮陽縣後徙晉陽即帝位都平陽唐今定州晉陽今太舜都蒲

阪今蒲州禹本封於夏為夏伯及舜禪都平陽或在安邑

在蒲州按尚書五子之歌曰惟彼陶唐有此冀方言堯舜

至禹及太康皆在冀州界以康中興而復還舊都湯都

亳殷都有三亳叔熱為南亳即湯都蒙為北亳即景毫

至仲丁遷囂或曰教今河南河亶甲居相今相祖乙居

耿在河及盤庚五遷復南都亳之殷地則西亳也周文

王都豐武王都鎬今京兆周公相成王以豐鎬偏處西

方土貢不均乃營洛邑今東成王即洛邑建明堂朝諸

侯復還豐鎬至幽王為犬戎所殺平王東遷乃居洛邑

及敬王時又遷成周今洛陽故秦非子始封於秦今在

孝公徙咸陽漢都長安東觀漢記曰光武中興都洛陽

又於南陽置南都三國時魏略云魏以長安譙許昌鄴

洛陽為五都吳志云吳都郢後遷建業蜀志云蜀都成

欽定四庫全書

都晉書晉都洛陽至永嘉南居建康宋齊梁陳並居建

康梁元帝及後梁蕭詧又別居江陵晉亂有十六國各

建都邑隋都長安煬帝遷洛陽唐都長安帝王

在德不在險

魏武侯浮西河而下顧謂吳起曰美哉山河之固此魏

國之寶也起對曰在德不在險昔三苗氏左洞庭右彭

蠡德義不修禹滅之夏桀之居左濟河右泰華伊闕在

其南羊腸在其北修政不仁湯放之商紂之國左孟門

右太行常山在其北大河經其南修政不德武王殺之由此觀之在德不在險若君不修德舟中之人皆敵國也

秦都之固

秦孝公據崤函之固擁雍州之地始皇踐華為城因河為池據億丈之城臨不測之淵以為固天下已定自以為關中之固金城千里子孫帝王萬世之業也賈生論秦形勝之國也帶山阻河縣隔千里持戟百萬秦得百二

欽定四庫全書

古今事文類聚卷一

四

馬地勢便利其下兵於諸侯譬猶居高屋之上建瓴水

也高秦皇無天下都咸陽渭水貫都以象天漢橫橋南

渡以法牽牛

三輔黃圖

漢都形勢

漢書劉敬說上都關中上疑之左右大臣皆山東人多勸上都洛陽曰東有成皋西有崤澠背河向洛其固亦可足恃張良曰洛陽雖有此固其中小不過數百里地薄四面受敵此非用武之國夫關中左崤函右隴蜀沃

野千里南有巴蜀之饒北有胡羌之利阻三面而守獨以一面東制諸侯此所謂金城千里天府之國

吳都形勢

張紘言於孫權曰秣陵楚武王所置名為金陵秦始皇時望氣者云金陵有王者氣故掘斷連岡改名秣陵有別小江可以貯船宜為都邑劉備勸都之自京口遷都焉吳錄孫皓初童謠云寧飲建業水不食武昌魚寧歸建業死不就武昌居乃遷都建業宋諸葛亮至京口因觀秣

欽定四庫全書

古今事文類聚卷一

五

陵山阜歎曰鍾山龍盤石頭虎踞此帝王之宅

吳錄

關中形勢

陸贄奏今之關中古邦畿千里之地王業根本於是在焉秦得用之以傾諸侯漢嘗因之以定四海蓋由憑山河之形勢宅田里之上腴弱則內保一方當天下無事可以養力俟時強則外制東夏據域中之大可以蓄威昭德

古今文集

雜著

兩都賦序

班孟堅

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府叶律之事以興廢繼絕潤色鴻業是以衆庶說豫福應尤盛白麟赤鳳芝房寶鼎之歌薦於郊廟神雀五鳳甘露黃龍之瑞以為年紀故言語侍從之臣若司馬相如吾丘壽王東方朔欽定四庫全書
古今事文類聚後集卷一 六

如彼考之漢室又如此斯事雖細然先臣之舊式國家之遺美不可闕也臣竊見海內清平朝廷無事京師修宮室浚城隍而起苑囿以備制度西土耆老感懷怨思冀上之瞻顧而盛稱長安舊制有陋雒邑之議故臣作兩都賦以極衆人之所眩曜折以今之法度其詞曰

西都賦

有西都賓問於東都主人曰蓋聞皇漢之初經營也當有意乎都河洛矣輟而弗康寔用西遷作我上都主人

欽定四庫全書

古今事文類聚後集卷一

七

聞其故而觀其制乎主人曰未也願賓摭懷舊之蓄念發思古之幽情博我以皇道弘我以漢京賓曰唯唯漢之西都在於雍州寔曰長安左據函谷二嶠之阻表以太華終南之山右界褒斜隴首之險帶以洪河涇渭之川衆流之隈汧涌其西華實之毛則九州之上腴焉防禦之阻則天地之隙區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈秦建策留侯演成天人合應以

發皇明乃眷西顧寔惟作京於是睇秦嶺瞰北阜挾澧
瀘據龍首圖皇基於億載度宏規而大起肇自高而終
平世增飾以崇麗歷十二之延祚故窮奢而極侈建金
城之萬雉呀周池而成淵披三條之廣路立十二之通
門內則街衢洞達閭閻且千九市開場貨別隧分人不
得顧車不得旋闌城溢郭旁流百屋紅塵四合烟雲相
連於是既庶且富娛樂無疆都人士女殊異乎五方游
士擬於公侯列肆侈於姬姜鄉曲豪舉遊俠之雄節慕
原常名亞春陵連交合衆騁驚乎其中若乃觀其四郊
浮遊近縣則南望杜霸北眺五陵名都對郭邑居相承
英俊之域拔冕所興冠蓋如雲七相五公與乎州郡之
豪傑五都之貨殖三選七選充奉陵邑蓋以強幹弱枝
隆上都而觀萬國封畿之內厭土千里卓犖諸夏無其
所有其陽則崇山隱天幽林穹谷陸海珍藏藍田美玉
商洛緣其限郭杜濱其足源泉灌注陂池交屬竹林
果園芳草甘木郊野之富號為近蜀其陰則冠以九峻

陪以甘泉乃有靈宮起乎其中秦漢之所極觀淵雲之
所頌歎於是乎存焉下有鄭白之沃衣食之源提封五
萬疆場緡分溝塍刻鏤塍音亦原稻畦也原隰龍鱗決渠降
雨荷插成雲五穀垂穎桑麻鋪荼東郊則有通溝大漕
潰渭洞河汎舟山東控引淮湖與海通波西郊則有上
園禁苑林麓藪澤陂池連乎蜀漢線以周牆四百餘里
離宮別館三十六所神池靈沼往往而在其中乃有九
真之麟大宛之馬黃支之犀條枝之鳥踰崑崙越巨海
殊方異類至于三萬里其宮室也體象乎天地經緯乎
陰陽據坤靈之正位做太紫之圓方樹中天之華闕豐
冠山之朱堂因壤材而究奇抗應龍之虹梁列莽榛以
布翼荷棟桷而高驤雕玉瑱以居樞載金壁以飾瑤簏
五色之滌彩光燭朗以景彰於是左城右平重軒三階
閨房周通門閭洞開列鐘虞於中庭立金人於端闈仍
增崖而衝闕臨峻路而啓扉狗以離宮別寢承以崇臺
間館煥若列宿紫宮是環清涼宣溫神仙長年金華玉

堂白虎麒麟區宇若茲不可殫論增盤崔嵬登降焰爛殊形詭制每各異觀乘茵步輦惟所息宴後宮則有掖庭椒房后妃之室合歡增城安處常寧萑若椒風披香發越蘭林蕙草鴛鴦飛翔之列昭陽特盛隆於孝成屋不呈材牆不露形裏以藻繡絡以綸連隋侯明月錯落其間金缸銜壁是為列錢翡翠火齊流耀含英懸黎垂棘夜光在焉於是玄墀釳砌玉階彤庭碾礪綵綴琳珉青瑩珊瑚碧樹周阿而生紅羅颺纒綺組繡紛精曜華

欽定四庫全書

古今事文類聚續集

十

燭俯仰如神後宮之號十有四位窈窕繁華更盛迭貴處乎斯列者蓋以百數左右庭中朝堂百寮之位蕭曹魏邨謀謨乎其上位則垂統輔翼則成化流大漢之愷悌邇亡秦之毒螫故令斯人揚樂和之聲作畫一之歌功德著乎祖宗膏澤洽乎黎庶又有天祿石渠典籍之府命夫博誨故老名儒師傅講論乎六藝稽合乎同異又有承明金馬著作之庭大雅宏遠於茲為羣元元本本殫見洽聞啓發篇章校理秘文周以鈎陳之位衛

以嚴更之署總禮官之甲科羣百郡之廉孝虎賁養衣闔尹闔寺陸戟百重各有典司周廬千列徹道綺錯輦路經營修除飛閣自未央而連桂宮北彌明光而亘長樂陵塏道而趨西墉提建章而連外屬設辟門之鳳闕上觚稜而棲金爵內則別風一名折風嶢嶢眇麗巧而聳擢張千門而立萬戶順陰陽以開闔闔乃正殿崔嵬層構厥高臨乎未央經駘盪而出馭蘇合波可洞粉鳥詣以與天梁上反宇以蓋戴激日景而納光神明鬱其特起遂偃蹇而上躋軼雲雨於太半虹霓迴帶於芬楣雖輕輶與倬狡猶愕眙而不能階攀井幹而未半目眩轉而意迷捨櫺檻而卻倚若顛墜而復稽魂恍恍以失度巡迴塗而下低既憊懼於登望降周流以傍徨步甬道以縈紆又杳窅而不見陽排飛聞而上出若遊目於天表似無依而洋洋前唐中而後太液覽滄海之湯湯揚波濤於碣石激神岳之嵒嵒濫瀛洲與方壺蓬萊起乎中央於是靈草冬榮神木叢生岩峻峭崿金石崢嶸抗仙掌以

欽定四庫全書

古今事文類聚續集

十一

承露擢雙立之金莖，軼埃壘之混濁，鮮顙氣之清英，騁
文成之丕誕，馳五利之所刑，庶松喬之羣類，時遊從乎
斯庭，實列仙之攸館，非吾人之所寧，爾乃盛娛遊之壯
觀，奮太武乎上囿，因茲以威戎，夸秋耀威靈，而講武事
命荊州，使起鳥詔，梁野而驅獸，羣內聞飛羽，上覆接
翼，側足集禁林，而屯聚水衡，虞人修其營表，種別羣分
部曲，有署果網，連絃龍山路，野列卒周，匝星羅雲布，於
是乘鸞輿，備法駕，師羣臣，披飛廉，入死門，遂繞鄴，鄴歷

欽定四庫全書

古今事文類聚

十一

上蘭六師，發逐百獸，駭礧震震，燭燭雷奔，電激草木，塗
地山淵，反覆蹂躪，其十二三，乃拘怒而少息，爾乃期門
伏飛，列刃鑽鏃，要跌追蹤，鳥驚觸絲，獸駭值鋒，機不虛
掎，弦不再控，矢不單殺，中必疊雙，颺颺撲撲，紛紛錯錯，相
纏風毛，雨血灑野，蔽天平原，赤勇士厲，猿狖失木，豺狼
懾竄，爾乃移師趨險，並蹈潛穢，窮虎奔突，狂兇觸蹶，許
少施巧，秦城力折，制擒獠狡，扼猛噬脫，角挫胆徒，搏獨
殺，挾師豹拖，熊螭曳犀，犀象羣趨，洞壑越峻，崖壓巖

巖，巨石頽松，柏仆叢林，摧草木，無餘禽獸，殄夷於是，天
子乃登屬玉之館，歷長楊之榭，覽山川之體勢，觀三軍
之殺獲，原野蕭條，目極四裔，禽相鎮壓，獸相枕藉，然後
收禽會衆，論功賜胙，陳輕騎以行，魚騰酒車以斟酌，割
鮮野食，舉烽命醺，享賜畢，旁逸齊大，駘鳴鑾，容與徘徊
集乎豫章之宇，臨乎昆明之池，左牽牛而右織女，似雲
漢之無涯，茂樹蔭蔚，芳草被隄，蘭茝發色，晔晔猗猗，若
攜錦與布繡，燭燿乎其陂，鳥則玄鶴白鷺，黃鸝鵲，鵲鵲
鵲鵲，鳬鷺鴻鴈，朝發河海，夕宿江漢，沈浮往來，雲集

欽定四庫全書

古今事文類聚

十三

霧散，於是後宮乘輅，輅登龍舟，張鳳蓋，建華旗，祛黼帷
鏡，清流靡微，風澹淡，浮耀女詠鼓吹，震真聲激越等宏呼
厲天鳥，羣翔魚躍，淵招白鷗，下雙鵲，掄文竿，出比目，撫
鴻暈，御增繳，方舟並驚，俛仰極樂，遂乃風舉雲搖，浮遊
溟覽，前乘春嶺，後越九峻，東薄河華，西涉岐雍，官館所
歷，百有餘區，行所朝夕，儲不改供，禮上下而接山川，究
休祐之所，用采遊童之謹謠，第從臣之嘉頌，于斯之時

都都相望邑邑相屬國藉十世之基家承百年之業士食舊德之名氏農服先疇之畎畝商修族世之所鬻工用高魯之規矩築乎隱隱各得其所若臣者徒觀迹於舊墟聞之乎故老十分未得其一端故不能徧舉也

東都賦

東都主人喟然而歎曰痛乎風俗之移人也子實秦人矜夸館室保界河山信識昭襄而知始皇矣惡睹大漢之云為乎夫大漢之開元也奮布衣以登皇位繇數期

欽定四庫全書

古今事文類聚卷之四

十四

而創萬代蓋六籍所不能談前聖靡得而言焉當此之時政有橫而當天討有逆而順民故寡敬虔度勢而獻其說蕭公權宜而拓其制時豈泰而安之哉計不得以已也吾子曾不是睹顧曜後嗣之未造不亦聞乎今將語予以建武之治永平之事監于太清以變子之惑志狂者王莽作逆漢祚中缺天人致誅六合相滅于時之亂生民幾亡鬼神泯絕壑無完樞郭周遺室原野厭人之肉川谷流人之血秦項之災猶不克半書契以來未之

或紀故下人號而上訴上帝懷而降監乃致命乎聖皇於是聖皇乃握乾符開坤珍披皇圖稽帝文赫然發憤應若興雲霆擊昆陽憑怒雷震真遂超大河跨北岳立

號高邑建都河洛紹百王之荒屯因造化之盪滌體元

立制繼天而作系唐統接漢緒茂育羣生恢復疆宇勲

兼乎在昔事勤乎三五豈特方軌並迹紛綸后辟治近

古之所務蹈一聖之險易云爾哉且夫建武之元天地革

命四海之內更造夫婦肇有父子君臣初建人倫寔始

欽定四庫全書

古今事文類聚卷之五

十五

斯迺伏羲氏之所以基皇德也分州土立市朝作舟車造器械斯迺軒轅氏之所以開帝功也恭行天罰應天順民斯迺湯武之所以昭王業也遷都改邑有殷宗中興之則焉即土之中有周成隆平之制焉不階尺土一人之柄同符乎高祖克已復禮以奉終始允恭乎孝文憲章稽古封岱勒成儀炳乎世宗集六經而校德眇古昔而論功仁聖之事既該而帝王之道備矣至于永平之際重熙而累洽盛三雍之上儀修象龍之法服鋪洪

漢信中景鑠揚世廟正雅樂人神之和允洽君臣之序

既肅迺動大輅遵皇衢省方巡狩躬覽萬國之有無考聲教之所被散皇明以燭幽然後增周舊修洛邑廟寢巍顯翼翼光漢京于諸夏總八方而為之極是以皇城之內宮室光明闕庭神麗奢不可踰儉不能侈外則因原野以作苑順流泉而為沼發蘋藻以潛魚豐園草以毓獸制同乎梁鄒誼合乎靈囿若乃順時節而蒐狩簡車徒以講武則必臨之以王制考之以風雅應騶虞覽

欽定四庫全書

古今事文類聚

十六

細鐵嘉車攻采吉日禮官整儀乘輿乃出於是發鯨魚鏗華鐘登玉輅乘時龍鳳蓋琴履和鑾玲瓏天官景從寢威盛容山靈護野屬御方神雨師汎灑風伯清塵千乘雷起萬騎紛紜元戎竟野戈鋌雲羽旄掃霓旌旗拂天焱焱炎揚光飛文吐燭生風欽野歎山日月為之奪明丘陵為之搖震真遂集乎中囿陳師案屯駢部曲列校隊勒三軍誓將帥然後舉烽伐鼓申命三驅輕車霆發驍騎雷驚由基發射范氏施御弦不脛禽鸞不

詭遇飛者未及翔走者不及去指顧倏忽獲車已實樂

不極般殺不盡物馬踈餘足士怒未湊先驅復路屬車案節於是薦三犧效五牲禮神祇懷百靈御明堂臨辟雍揚緝熙宣皇風登靈臺孝休徵俯仰乎乾坤參象乎聖躬目中夏而布德瞰四裔而抗稜西盪河源東澹海滑北動幽崖南燿朱垠殊方別區界絕而不鄰自孝武之所不征孝宣之所未臣莫不陸轡水懷奔走而來賓遂接哀牢開永昌春王三朝會同漢京是日也天子受

欽定四庫全書

古今事文類聚

十七

四海之圖籍膺萬國之貢珍內撫諸夏外綏百蠻爾乃盛禮興樂供帳置乎雲龍之庭陳百僚而贊唐后究皇儀而展帝容於是庭實千品旨酒萬鍾列金罍班玉觴嘉珍御太牢享爾乃食舉雍撤太師奏樂陳金石布絲竹鐘鼓鏗鉤管弦曄曄抗五聲極六律歌九功舞八佾韶武備泰古畢四夷間奏德廣所及傑樂休音梵離周不畢集萬樂備百禮暨皇歡決羣臣醉降煙燭調元氣然後撞鐘告罷百僚遂退於是聖上親萬方之歡娛久

沐浴乎膏澤懷其侈心之將萌而息於東作乃申舊章
下明詔命有司班憲度昭節儉示太素去後宮之麗飾
損乘輿之服御抑工商之淫業興農桑之上務遂令海
內棄末而反本背偽而歸真女修織紉男務耕耘罷用
陶匏服尚素玄恥纖靡而不服賤奇麗而不珍捐金於
山沈珠於淵於是百姓滌瑕盪穢而鏡至清形神寂寞
耳目不營嗜欲之源滅廉恥之心生莫不優游而自得
玉潤而金聲是以四海之內學校如林庠序盈門獻酬

欽定四庫全書

古今事文類聚

卷八

交錯俎豆莘莘下舞上歌蹈德詠仁登降飫宴之禮既
畢因相與嗟歎玄德謹言孔說咸含和而吐氣頌曰盛
哉乎斯世今論者但知誦虞夏之書詠殷周之詩講義
文之易論孔氏之春秋罕能精古今之清濁究道德之
所由唯子頗識舊典又徒馳騁乎末流溫故知新已難
而知德者鮮矣且夫僻界西戎險阻四塞修其防禦孰
與處乎土中平夷洞達萬方輻湊秦嶺九峻涇渭之川
曷若四瀆五岳帶河沂洛圖書之淵建章甘泉館御列

仙孰與靈臺明堂統和天人太液昆明鳥獸之圃曷若
辟雍海流道德之富游俠踰侈犯義侵禮孰與同履法
度翼翼濟濟子徒習秦阿房之造天而不知京洛之有
制識函谷之可關而不知王者之無外主人之辭未終
西都賓饗然失容逡巡降階悽然意下捧手欲辭主人
曰復位今將授子五篇之詩賓既卒業乃稱曰美哉乎
斯詩義正乎揚雄事實乎相如匪唯主人之好學蓋乃
遭遇乎斯時小子狂簡不知所裁既聞正道請終身而

欽定四庫全書

古今事文類聚

卷九

誦之其辭曰

明堂詩

於昭明堂明堂孔陽聖皇宗祀穆穆煌煌上帝宴饗五
位時序誰其配之世祖光武普天率土各以其職猗與
緝熙允懷多福

辟雍詩

迺流辟雍辟雍洋洋聖皇莅止造舟為梁瞻瞻國老乃
父乃兄抑抑威儀孝友光明於赫太上示我漢行鴻化

惟神永觀厥成

靈臺詩

迺經靈臺靈臺既崇帝勤時登爰考休徵三光宣精五行布序習習祥風祁祁甘雨百穀蓁蓁庶草蕃廡惟豐年於皇樂胥

寶鼎詩

嶽修貢兮川效珍吐金景兮歛浮雲歛氣出貌寶鼎見大駒反

兮色紛緼煥其炳兮披龍文登祖廟兮享聖神昭靈德

欽定四庫全書

古今事文類聚詩集

卷一

兮彌億年

白雉詩

啓靈篇兮披瑞圖獲白雉兮效素鳥嘉祥阜兮集皇都

發皓羽兮奮翮英容潔朗兮於淳精彰皇德兮侔周成

永延長兮膺天慶

西京賦

張平子

有惠虛公子者心參體忤雅好博古學乎舊史氏是以多識前代之載言於安處先生曰夫人在陽時則舒在

陰時則慘此牽乎天者也處沃土則速處瘠土則勞此

繫乎地者也慘則眇於歡勞則褊於惠能違之者寡矣

小必有之大亦宜然故帝者因天地以致化兆民承上

教以成俗化俗之本有與推移何以覈諸秦據雍而疆

周即豫而弱高祖都西而秦光武處東而約政之興衰

常由此作先生獨不見西京之事歟請為吾子陳之漢

氏初都在渭之涘秦里其朔定為咸陽左有函嶺重險

桃林之塞綴以二華巨靈鼎鑪高掌遠蹠以流河曲厥

欽定四庫全書

古今事文類聚詩集

卷一

跡猶存右有塹城之隘隔闔華戎岐梁汧雍陳寶鳴雞

在焉於前則終南太一隆嵒崔嵬隱嶺鬱律連岡乎嶠

冢抱杜舍鄠鄠吐鎬爰有藍田珍玉是之自出於後

則高陵平原據渭蹈涇澶漫靡迤作鎮於近其遠則有

九峻甘泉涸陰沍寒日北至而含凍此焉清暑爾乃廣

衍沃野厥田上上寔為地之奧區神皋自古以雍州稱高神明之陰

立時郊上帝諸神祠皆聚之廣雅曰皋局也謂神明之界局也又曰奧美也澤畔曰皋昔者大帝

悅秦繆公而觀之饗以鈞天唐樂帝有醉焉乃為金策

錫用此土而翦諸鵲首是時也並為疆國者有六然而

四海同宅西秦豈不詭哉自我高祖之始入也五緯相

計一作叶以旅于東并婁敬委輅幹非其議天啓其心人

患其之謀及帝國時意亦有慮乎神祇宜其可定以為

天邑豈伊不虔思於天衢豈伊不懷歸於粉榆天命不

滔疇敢以渝於是量徑輪考廣表經城涵營郭郭取殊

裁於八都豈稽度於往舊爾乃覽秦制跨周法狹百堵

之側陋增九筵之迫脅正紫宮於未央表峴闕於閭闔

欽定四庫全書

古今事文類聚

卷三

疏龍首以抗殿狀嵬峨以岌業亘雄虹之長梁結焚燎

以相接帶倒茄於藻井披紅葩之狎獵飾華棟與璧璫

流景曜之華曜雕楹玉碣繡栢雲楣三階重軒鏤檻文

槐右平左域青瑣丹墀刊層平堂設切厓隄砥礪鱗胸

棧巔嶮嶮嶮岸夷塗修路峻險重門繫固森究是防仰

福帝居陽曜陰藏洪鍾萬鈞猛虞趨趨負筭業而餘忘

乃奮超而騰驟朝堂承東溫調延北西有玉臺聯以昆

德以上皆殿名嵯峨嵯峨周識所則若夫長年神仙宣室玉

堂麒麟朱鳥龍興含章皆殿名譬眾星之環北極叛判赫

戲以輝煌正殿路寢用朝羣辟大厦耽耽九戶開闢嘉

木樹庭芳草如積高門有闕列坐金狄內有常侍謁者

奉命當御外有蘭臺金馬遞宿迭居次有天祿石渠校

文之處重以虎威章溝嚴更之署微道外周千廬內附

衛尉八屯警夜巡畫植鐵懸獄用戒不虞後宮則昭陽

飛翔增成合驪蘭林披香鳳凰鸞鸞羣竊竊之華麗嗟

內顧之所觀故其館室次舍采飾纖縹緗以藻繡文以

欽定四庫全書

古今事文類聚

卷三

朱綠翡翠火齊格以美玉流懸黎之夜光綴隋珠以為

燭金氎玉階彤庭輝輝珊瑚琳碧瑤琤璫彬珍物羅生

煥若崑崙雖厥裁之不廣侈靡踰乎至尊於是鈎陳之

外閭道穹窿屬長樂與明光徑北通於桂宮命般爾之

巧匠盡變態乎其中於是後宮不移樂不徙懸門衛供

帳官以物辦忠意所幸下輦成燕窮年忘歸猶弗能徧

瑰異日新殫所未見惟帝王之神麗懼尊卑之不殊雖

斯宇之既坦心猶憑而未據思比象於紫微恨阿房之

不可廬峴

脈

往昔之遺館獲林光於秦餘處甘泉而爽

塏乃隆崇而弘敷既新作於迎風增靈寒與儲胥託喬

基於山岡直嶠霓以高居通天諺

眇

以疎峙徑百常而

莖擢上辨華以交紛下刻削其若削翔鷗仰而弗逮况

青鳥與黃雀伏櫺檻而類聽聞雷霆之相激栢梁既災

越平陳方建章是經用厭火祥營宇之制事無未央園

闕竦以造天若雙碣之相望鳳鸞翥於堯標咸邇風而

欲翔閭闔之內別風嶢嶢何工巧之瑰瑋交綺豁以疏

欽定四庫全書

古今事文類聚詩集

卷四

寮干雲霧而上達狀亭亭以岌岌神明崛其特起并幹

疊而百增峙遊極於浮柱結重欒以相承累層構而遂

陲望北辰而高興消零埃於中宸集重陽之清激瞰宛

虹之長髻察雲師之所憑上飛聞而仰眺正觀瑤光與

玉繩將乍往而未半怵悼慄而聳兢非都廬之輕趨孰

能超而究升馭娑

蘇

可駘盪

臺

名燾果桔槔

形

貌杙諸承光

睽眾庠詒

形

增將重募鈐鈐列列反宇業業飛檐轆轤轆轤

流景內照引曜日月天梁之宮寔開高闕旗不脫局結

駟方斬轆輻輳驚容於一扉長廊廣廉連閣雲蔓閑庭

詭異門千戶萬重閨幽閨轉相逶迤望窗窳以徑廷眇

不知其所返既乃珍臺靈產以極壯瓊道邈倚以正東

似閨風之遐坂橫西洫而絕金墉城尉不弛拆而內外

潛通前開唐中彌望廣豫顧臨太液滄池潏沆漸臺立

於中央赫昉昉以弘敞清淵洋洋神山峩峩列瀛洲與

方丈夾蓬萊而駢羅上林岑以岫巖下嶄巖以岫巖長

風激於別島起洪濤而揚波浸石菌於重涯濯靈芝以

欽定四庫全書

古今事文類聚詩集

卷五

朱柯海若遊於玄渚鯨魚失流而蹉跎於是采少君之

端信撫樂大之貞固立修莖之仙掌承雲表之清露屑

瓊藥以朝餐必性命之可度美往昔之松喬要羨門乎

天路想升龍於鼎湖豈時俗之足慕若歷世而長存何

遽管乎陵墓徒觀其城郭之制則旁開三門參塗夷庭

方軌十二街衢相經廕里端直甕宇齊平北闕甲第當

道直啓程巧致功期不阨陟

多

木衣綿錦土被朱紫武

庫禁兵設在蘭錡匪石

顯

匪董

賢

疇能宅此爾乃廓開